

МОНГОЛ УЛСЫН ХУУЛЬ ЗҮЙ,
ДОТООД ХЭРГИЙН САЙД,
ШҮҮХИЙН ЕРӨНХИЙ ЗӨВЛӨЛИЙН
ДАРГЫН ХАМТАРСАН ТУШААЛ

2018 оны 12 дугаар
сарын 14-ны өдөр

Дугаар А/226
1.77

Улаанбаатар
хот

Журам, загвар батлах тухай

Монгол Улсын Засгийн газрын тухай хуулийн 24 дүгээр зүйлийн 2, Цагдаагийн албаны тухай хуулийн 61 дүгээр зүйлийн 61.6, Шүүхийн захиргааны тухай хуулийн 18 дугаар зүйлийн 18.4 дэх хэсгийг тус тус үндэслэн ТУШААХ нь:

1. “Эрүүгийн хариуцлага хүлээсэн хүн, хуулийн этгээдийн мэдээллийн сан бүрдүүлэх журам”-ыг нэгдүгээр, “Эрүүгийн хариуцлага хүлээсэн хүний тухай тэмдэглэл”-ийн загварыг хоёрдугаар, “Эрүүгийн хариуцлага хүлээсэн хуулийн этгээдийн тухай тэмдэглэл”-ийн загварыг гуравдугаар, “Шүүхийн мэдэгдэх хуудас”-ны загварыг дөрөвдүгээр хавсралтаар тус тус баталсугай.

2. Тушаалын хэрэгжилтэд хяналт тавьж, биелэлт, үр дүнг тооцож ажиллахыг Шүүхийн ерөнхий зөвлөлийн Шүүхийн захиргааны удирдлагын газрын дарга /Ж.Сайнхишиг/, Цагдаагийн ерөнхий газрын дарга /цагдаагийн хурандаа С.Баатаржав/, Шүүхийн шийдвэр гүйцэтгэх ерөнхий газрын дарга /Бригадын генерал Ц.Амгаланбаяр/ нарт тус тус үүрэг болгосугай.

3. Энэ тушаал гарсантай холбогдуулан Улсын дээд шүүхийн ерөнхий шүүгч, Цагдаагийн ерөнхий газрын дарга, Шүүхийн шийдвэр гүйцэтгэх ерөнхий газрын даргын 2008 оны 11 дүгээр сарын 10-ны өдрийн “Заавар батлах тухай” 547, 494, А/113 дугаартай хамтарсан захирамж, тушаалыг хүчингүй болсонд тооцсугай.

4. Энэ тушаалыг 2019 оны 01 дүгээр сарын 01-ний өдрөөс эхлэн мөрдсүгэй.





ЭРҮҮГИЙН ХАРИУЦЛАГА ХҮЛЭЭСЭН ХҮН, ХУУЛИЙН ЭТГЭЭДИЙН ТАЛААРХ МЭДЭЭЛЛИЙН САН БҮРДҮҮЛЭХ ЖУРАМ

Нэг. Нийтлэг үндэслэл

1.1. Энэ журмын зорилго нь Цагдаагийн албаны тухай хуулийн 10 дугаар зүйлийн 10.1.10 дахь заалт, 61 дүгээр зүйлийн холбогдох заалтын хэрэгжилтийг хангах, эрүүгийн хариуцлага хүлээсэн хүн, хуулийн этгээдийн мэдээллийн цахим болон архивын сан /цаашид "Сан" гэх/ бүрдүүлэхэд оршино.

1.2. Эрүүгийн хариуцлага хүлээсэн хүн, хуулийн этгээдийн мэдээллийг шүүх болон шүүхийн шийдвэр гүйцэтгэх байгууллагаас хүлээн авч цахим болон архивын сан үүсгэх ажлыг Цагдаагийн төв байгууллагын Мэдээлэл нэгтгэн боловсруулах ажил хариуцсан нэгж /цаашид "Мэдээллийн сан хариуцсан нэгж" гэх/ эрхлэн гүйцэтгэнэ.

1.3. Эрүүгийн хариуцлага хүлээсэн хүн, хуулийн этгээдийн цахим мэдээллийн сан, түүний програм хангамж, "Эрүүгийн хариуцлага хүлээсэн хүний тухай тэмдэглэл", "Эрүүгийн хариуцлага хүлээсэн хуулийн этгээдийн тухай тэмдэглэл", "Хорих ял эдэлсэн хүмүүсийн хувийн хэрэг" /цаашид "Ялтны хувийн хэрэг" гэх/, "Ялтны судалгааны карт"-ын архивын санг нууцлалын зэрэгт байлгаж, цахим мэдээллийн санд гадны хэрэглэгч нэвтрэх боломжгүй байхаар нууц түлхүүр үг хэрэглэнэ.

Хоёр. "Эрүүгийн хариуцлага хүлээсэн хүний тухай тэмдэглэл", "Эрүүгийн хариуцлага хүлээсэн хуулийн этгээдийн тухай тэмдэглэл", "Шүүхийн мэдэгдэх хуудас"-ыг хөтлөх, хүргүүлэх

2.1. Мөрдөгч нь эрүүгийн хэрэгт яллагдагчаар татагдсан хүн, хуулийн этгээд нэг бүрээр "Эрүүгийн хариуцлага хүлээсэн хүний тухай тэмдэглэл", "Эрүүгийн хариуцлага хүлээсэн хуулийн этгээдийн тухай тэмдэглэл"-ийг хөтлөх бөгөөд хүний гэрэл /цээж/ зургийг нааж, иргэний цахим үнэмлэх болон түүнтэй адилтгах бичиг баримтыг, хуулийн этгээдийн хувьд улсын бүртгэлийн гэрчилгээ, улсын бүртгэлийн байгууллагын лавлагаа зэргийг үндэслэн тэмдэглэлийн хамаарах хэсгийг гүйцэд гаргацтай бөглөн албан тушаал, цол, эцэг /эх/-ийн нэрийн эхний үсэг болон өөрийн нэрийг бичиж, гарын үсэг зурж баталгаажуулна.

2.2 Эрүүгийн хариуцлага хүлээсэн хүн, хуулийн этгээдийн тухай тэмдэглэлийг архивын стандарт шаардлагыг хангасан А5 хэмжээтэй, 200 граммын "Матт" цаасан дээр үйлдсэн хэвлэмэл маягт дээр үйлдэнэ.

2.3. Яллагдагчаар татагдсан гадаадын иргэн, харьяалалгүй хүн, гадаад улсын хуулийн этгээдийн нэрийг "Эрүүгийн хариуцлага хүлээсэн хүний тухай тэмдэглэл", "Эрүүгийн хариуцлага хүлээсэн хуулийн этгээдийн тухай тэмдэглэл"-д бичихдээ яллагдагчийн гадаад паспорт, хуулийн этгээдийн гэрчилгээ, түүнтэй адилтгах баримт бичиг дээрх гадаад буюу латин үсэг дээр бичигдсэн овог, нэр, байгууллагын нэрийг бичихийн зэрэгцээ монгол кирилл үсэгт хөрвүүлж бичнэ.

2.4. Гадаад нэртэй дотоодын хуулийн этгээдийн нэрийг “Хуулийн этгээдэд эрүүгийн хариуцлага хүлээлгэсэн тэмдэглэл”-д бичихдээ улсын бүртгэлийн гэрчилгээ, лавлагаа, түүнтэй адилтгах баримт бичиг дээрх хөрвүүлгийг үндэслэн монгол кирил, латин үсгээр давхар бичнэ.

2.5. Шүүгчийн туслах нь “Эрүүгийн хариуцлага хүлээсэн хүний тухай тэмдэглэл”, “Эрүүгийн хариуцлага хүлээсэн хуулийн этгээдийн тухай тэмдэглэл”-ийн маягтад тухайн хүний биеийн байцаалт, хуулийн этгээдийн мэдээллийг үнэн, зөв хөтөлсөн эсэхийг магадлан, шүүхийн шийдвэрийг тэмдэглэлийн хамаарах хэсэгт бүрэн гүйцэд бөгөөд ойлгомжтой, гаргацтай бичиж, эцэг /эх/-ийн нэрийн эхний үсэг болон өөрийн нэрийг бичиж, гарын үсэг зурна.

2.6. Анхан шатны шүүх нь прокуророос яллах дүгнэлт үйлдэж шилжүүлсэн хэргийг шийдвэрлэсэн, давж заалдах, хяналтын шатны шүүхээс шийтгэх тогтоолыг хүчингүй болгож дахин хэлэлцүүлэхээр буцаасан эрүүгийн хэргийг шийдвэрлэсэн тохиолдолд “Эрүүгийн хариуцлага хүлээсэн хүний тухай тэмдэглэл”, “Эрүүгийн хариуцлага хүлээсэн хуулийн этгээдийн тухай тэмдэглэл”-ийг шүүхийн шийдвэр хүчинтэй болсон өдрөөс буюу шүүхийн шийдвэрийг уншин сонсгосноос хойш, Давж заалдах шатны шүүх нь “Шүүхийн мэдэгдэх хуудас”-ыг анхан шатны шүүхийн шийдвэрт өөрчлөлт оруулсан, хүчингүй болгож хэргийг хэрэгсэхгүй болгосон, хүчингүй болгож дахин хэлэлцүүлэхээр буцаасан тохиолдолд, Хяналтын шатны шүүх нь “Шүүхийн мэдэгдэх хуудас”-ыг анхан болон давж заалдах шатны шүүхийн шийдвэрт өөрчлөлт оруулсан, хүчингүй болгож хэргийг хэрэгсэхгүй болгосон, хүчингүй болгож дахин хэлэлцүүлэхээр буцаасан тохиолдолд батлагдсан маягтын дагуу шүүхийн шийдвэрийн заалтыг бүрэн бичиж, эрүүгийн хянан шийдвэрлэх ажиллагаанд оролцогчдоос дараагийн шатанд гомдол гаргасан эсэхээс үл хамааран ажлын 5 хоногт багтаан Цагдаагийн төв байгууллагын Мэдээллийн сан хариуцсан нэгжид хүргүүлнэ.

2.7. Анхан шатны шүүх, давж заалдах, хяналтын шатны шүүхээс шийтгэх тогтоолыг хүчингүй болгож дахин хэлэлцүүлэхээр буцаасан эрүүгийн хэргийг шийдвэрлэсэн бол “Эрүүгийн хариуцлага хүлээсэн хүний тухай тэмдэглэл”, “Эрүүгийн хариуцлага хүлээсэн хуулийн этгээдийн тухай тэмдэглэл”-ийг тухайн шүүхийн Тамгын газраар дамжуулан холбогдох цагдаагийн байгууллагаас энэ журмын 2.1-д зааснаар баталгаажуулж гаргуулна.

2.8. Цагдаагийн төв байгууллагын Мэдээллийн сан хариуцсан нэгжийн эрх бүхий алба хаагч нь санд орсон эрүүгийн хариуцлага хүлээсэн хүн, хуулийн этгээдийн талаарх мэдээлэлд “Шүүхийн мэдэгдэх хуудас”-ыг үндэслэн тухай бүр баяжилт, хөдөлгөөн хийж байна.

2.9. “Эрүүгийн хариуцлага хүлээсэн хүний тухай тэмдэглэл”, “Эрүүгийн хариуцлага хүлээсэн хуулийн этгээдийн тухай тэмдэглэл”, “Шүүхийн мэдэгдэх хуудас”-ыг тухайн шүүх хуралдааныг даргалсан, эсхүл илтгэсэн шүүгч хянан, гарын үсэг зуран баталгаажуулж, тоо бүртгэл хөтлөх, шилжүүлэх хөдөлгөөнийг тухайн шүүгчийн туслах гүйцэтгэнэ.

2.10. “Эрүүгийн хариуцлага хүлээсэн хүний тухай тэмдэглэл”, “Эрүүгийн хариуцлага хүлээсэн хуулийн этгээдийн тухай тэмдэглэл”, “Шүүхийн мэдэгдэх хуудас”-ыг заасан хугацаанд цагдаагийн төв байгууллагын мэдээллийн сан хариуцсан нэгжид хүргүүлэх ажлыг шүүхийн Тамгын газар зохион байгуулж, хэрэгжилтэд холбогдох дүрэм, журмын дагуу хяналт тавина.

2.11. Шүүхийн шийдвэр гүйцэтгэх ерөнхий газар нь архивын нэгж бүрдүүлж, “Ялтны хувийн хэрэг”-ийг хавтаслаж, товъёоглон ялтны суллагдсан өдрөөс хойш хуанлын 30 хоногийн дотор, хорихоос өөр төрлийн ял, албадлагын арга хэмжээг


дуусгавар болгосон тухай шийдвэр гарснаас хойш хуанлын 10 хоногийн дотор Цагдаагийн төв байгууллагын Мэдээллийн сан хариуцсан нэгжид хүргүүлнэ.

Гурав. Бусад

3.1. Энэ журмыг зөрчсөн, ажлын хариуцлага, сонор сэрэмж алдсан, үүргээ биелүүлээгүй ажилтан, алба хаагчид холбогдох хууль тогтоомжийн дагуу харъяа байгууллагын даргын шийдвэрээр хариуцлага хүлээлгэнэ.

---oOo---

зураг



Хууль зүй, дотоод хэргийн сайд,
Шүүхийн ерөнхий зөвлөлийн даргын
2018 оны 12 дугаар сарын 19-ны
өдрийн 11/06.1.17.7 дугаар хамтарсан
тушаалын хоёрдугаар хавсралт

ЭРҮҮГИЙН ХАРИУЦЛАГА ХҮЛЭЭСЭН ХҮНИЙ ТУХАЙ ТЭМДЭГЛЭЛ

Эрүүгийн хэргийн дугаар: _____

1. Хэрэг бүртгэлт, мөрдөн байцаалт явуулсан байгууллага: _____
2. Яллагдагчийн ургийн овог, эцэг /эх/-ийн нэр, өөрийн нэр, хүйс: _____

/Гадаадын иргэн, харьяалалгүй этгээдийн овог, нэрийг түүний албан ёсны бичиг баримтад бичигдсэн байдлаар бичихийн зэрэгцээ монгол кирил үсгээр хөрвүүлж бичнэ./

3. Төрсөн огноо, газар: _____
4. Иргэний харьяалал: _____
5. Үндсэн захиргаа: _____
6. Оршин суух хаяг: _____
7. Регистрийн дугаар: _____ 8. Утасны дугаар _____

Тэмдэглэл үйлдсэн:

/албан тушаал, цол, эцэг /эх/-ийн нэр, өөрийн нэр, гарын үсэг/

9. Шийдвэрлэсэн шүүх: _____

10. Шийтгэх /цагаатгах/ тогтоолын ___ он ___ сар ___ өдөр, Дугаар ___

11. Шүүхийн шийдвэрийн хэлбэр. /шийтгэх, цагаатгах/ доогуур зурах

12. Хэргийн индекс: _____

13. Хэргийн зүйлчлэл: _____

14. Шүүхээс шийдвэрлэсэн байдал: */Ялын төрөл, хэмжээ, нэмж нэгтгэсэн, ял оногдуулахгүйгээр тэнссэн, хойшлуулсан албадлагын арга хэмжээ авсан зэргийг товч, тодорхой бичнэ./*

Тэмдэглэл үйлдсэн шүүгчийн туслах _____ Хянасан шүүгч _____
/гарын үсэг, овог, нэр/ /гарын үсэг, овог, нэр/

Шүүхийн тамга


Анхааруулга

Нэг. Мөрдөгч, хэрэг бүртгэх эрх бүхий алба хаагч нь:

1. Эрүүгийн хэрэгт яллагдагчаар татагдсан иргэний цахим үнэмлэх болон түүнтэй адилтгах баримт бичиг /төрсний гэрчилгээ, иргэний бүртгэлийн байгууллагын лавлагаа зэрэг/-ийг үндэслэх;
2. Сүүлийн сард авахуулсан цээж зургийг наах;
3. 1-8 дугаар асуултын хариуг гаргацтай хөтөлж бичих;
4. Яллагдагчаар татагдсан гадаадын болон харьяалалгүй иргэнтэй холбоотой хэргийн ял шийтгэлийн тэмдэглэл хөтөлхдөө түүний гадаад паспорт, түүнтэй адилтгах баримт бичиг дээрх гадаад буюу латин үсгээр бичигдсэн овог, нэрийг бичихийн зэрэгцээ монгол кирил үсгээр хөрвүүлж бичнэ;
5. Ял шийтгэлийн тэмдэглэлийг А5 хэмжээтэй батлагдсан загварын дагуу хийгдсэн хэвлэмэл хуудсанд бичиж байх /200гр-ын цаас/.

Хоёр. Хэргийг шийдвэрлэсэн шүүгч нь:

1. Тухайн иргэний биеийн байцаалтын үнэн зөвийг магадлах;
2. 9-13 дугаар асуултын хариуг гүйцэд гаргацтай бичсэн эсэхийг нягтлан шалгах;
3. Шүүхийн шийдвэр хүчинтэй болсон өдрөөс буюу шүүхийн шийдвэрийг уншиж сонсгосноос хойш ажлын 5 хоногт багтаан Эрүүгийн хариуцлага хүлээсэн хүний тухай тэмдэглэлийг Цагдаагийн төв байгууллагын Мэдээллийн сан хариуцсан нэгжид хүргүүлнэ;
4. Гарын үсгийн тайллыг бичих.



Хууль зүй, дотоод хэргийн сайд,
Шүүхийн ерөнхий зөвлөлийн даргын
2018 оны _____ дугаар сарын ____-ны
өдрийн _____ дугаар хамтарсан
тушаалын гуравдугаар хавсралт

УХ.А0052 1701517

ЭРҮҮГИЙН ХАРИУЦЛАГА ХҮЛЭЭСЭН ХУУЛИЙН ЭТГЭЭДИЙН ТУХАЙ ТЭМДЭГЛЭЛ

Эрүүгийн хэргийн дугаар: _____

1. Хэрэг бүртгэлт, мөрдөн байцаалт явуулсан байгууллага: _____
2. Байгууллага, аж ахуйн нэгжийн нэр: _____
/Гадаад улсын хуулийн этгээдийн нэрийг албан ёсны бичиг баримтад бичигдсэн байдлаар давхар бичнэ/
3. Улсын бүртгэлийн дугаар: _____
4. Регистрийн дугаар: _____
5. Байгуулагдсан огноо: _____
6. Үйл ажиллагааны үндсэн чиглэл: _____
7. Хариуцлагын хэлбэр: _____
8. Хаяг /Утас/: _____
9. Үүсгэн байгуулагч, хувь эзэмшигч, шийдвэр гаргах эрх бүхий албан тушаалтны мэдээлэл: _____

10. Аль улсын харьяалалтай эсэх: _____
11. Өмчийн хэлбэр: төрийн төрийн бус хувийн гадаадын хөрөнгө оруулалттай хамтарсан хөрөнгө оруулалттай,

Тэмдэглэл үйлдсэн: _____
/албан тушаал, цол, эцэг /эх/-ийн нэр, өөрийн нэр, гарын

үсэг/

12. Шийдвэрлэсэн шүүх: _____
13. Шийтгэх /цагаатгах/ тогтоолын _____ он _____ сар _____ өдөр, Дугаар _____
14. Шүүхийн шийдвэрийн хэлбэр. */шийтгэх, цагаатгах/* доогуур зурах
15. Хэргийн зүйлчлэл: _____
16. Шүүхээс шийдвэрлэсэн байдал : */Ялын төрөл, хэмжээг товч, тодорхой бичнэ./*

Тэмдэглэл үйлдсэн шүүгчийн туслах _____ Хянасан шүүгч _____
/гарын үсэг, овог, нэр/ */гарын үсэг, овог, нэр/*

Шүүхийн тамга

Анхааруулга

Нэг. Мөрдөгч, хэрэг бүртгэх эрх бүхий алба хаагч нь:
Эрүүгийн хэрэгт яллагдагчаар татагдсан Хуулийн этгээдийн улсын бүртгэлийн гэрчилгээ, лавлагаа зэргийг үндэслэн, 1-11 дүгээр асуултын хариуг үнэн зөв гаргацтай хөтөлж бичнэ.

Хоёр. Хэргийг шийдвэрлэсэн шүүгч нь:
Тухайн хуулийн этгээдийн мэдээллийг үнэн зөвийг магадлаж, Шүүхийн шийдвэр хүчинтэй болсон өдрөөс буюу шүүхийн шийдвэрийг уншиж сонсгосноос хойш ажлын 5 хоногт багтаан Хуулийн этгээдэд эрүүгийн хариуцлага хүлээлгэсэн тухай тэмдэглэлийн 12-16 дугаар асуултын хариуг гүйцэд гаргацтай бичсэн эсэхийг нягтлан, гарын үсэг зурж, Цагдаагийн төв байгууллагын Мэдээллийн сан хариуцсан нэгжид хүргүүлнэ.



Хууль зүй, дотоод хэргийн сайд,
Шүүхийн ерөнхий зөвлөлийн даргын
2018 оны 12 дугаар сарын 17-ны өдрийн
АХБ/177 дугаар хамтарсан тушаалын
дөрөвдүгээр хавсралт

ШҮҮХИЙН МЭДЭГДЭХ ХУУДАС

он сар өдөр Дугаар Нийслэл/аймаг/сумын нэр

_____ овогтой _____ нь /РД: _____ / иргэн/хуулийн этгээд нь
(доогуур зурах)
оны _____ сарын _____ -ны өдөр _____ шүүхийн _____ дугаар
шийтгэх /цагаатгах/ тогтоолоор Эрүүгийн хуулийн _____ зүйлийн _____-д
зааснаар

_____ эрүүгийн хариуцлага хүлээсэн.

Энэ шийтгэх /цагаатгах/ тогтоолд _____ шүүхийн _____ оны _____
сарын _____ ны өдрийн _____ дугаар магадлал, /тогтоол/-аар

өөрчлөлт оруулсан, хүчингүй болгож хэргийг хэрэгсэхгүй болгосон, хүчингүй
болгож дахин хэлэлцүүлэхээр буцаасан болохыг мэдэгдье.

ТАЙЛБАР: Шүүхийн мэдэгдэх хуудсыг шүүгчийн туслах 3 хувь бичиж, даргалагч
шүүгч хянаж, нэг хувийг Шүүхийн шийдвэр гүйцэтгэх байгууллагад, нэг хувийг
цагдаагийн төв байгууллагын Мэдээллийн сан хариуцсан нэгжид үлдэх хувийг
шүүхийн бичиг хэрэгт бүртгэж, хадгална.

Тэмдэглэл үйлдсэн шүүгчийн туслах _____ Хянасан
шүүгч _____
/гарын үсэг, овог, нэр/ /гарын үсэг, овог, нэр/

Шүүхийн тамга

